

Die neunzehende Predigt
des güldenen A. B. C. der fürnehm-
sten Nahmen I E S V.

Habebatur Prid.
Cal. Maji,
five 30.
Aprilis,
Ann. 1613.

Aus dem Propheten Haggæo am 2. Cap. v. 7. 8.

Spricht der H. Er. Zebaoth: Es ist noch ein klei-
nes dahin daß ich Himmel vnd Erden / das Meer
vnd Trocken bewegen werde: Ja alle Heyden wil
ich bewegen / da sol denn kommen aller Heyden Trost.

Auflegung.

Ir lesen / Meine Geliebten vnd Außero-
wehltten in Christo dem H. Er. / bey dem heiligen Leh-
rer Sprach in seinem 49. Capitel / da er spricht: Der **Syr. 49.**
zwölff Propheten Gebetne grünen noch / da sie ligen /
denn sie haben Jacob getröstet / vnd Erlösung verheißo-
sen / der sie gewiß hoffen solten.

In denselben Worten redet der Sprach von den zwölff klei-
nen Propheten / vnd berichtet zwenyerley. 1. Ob sie gleich vor vielen
langen Jahren gestorben / vnd begraben seyn / daß dennoch ihre Ge-
betne grünen vnd blühen / das ist: wie es D. Lutherus erkläret / daß sie **Lutherus.**
noch in hohen Ehren vnd Würden seyn. 2. Zeigt er auch Ursach an /
warumb? Nemlich sie haben Jacob / das ist / das Volk Gottes ge-
tröstet / mit ihren Predigten vnd Weissagungen / vnd haben Erlö-
sung verheissen / der sie gewiß hoffen solten.

Daß nun diesem also sey / spüret man bey den gemelten Pro-
pheten /